

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **MIŠLJENJE**

**po Zahtjevu Federalnog ministarstva energije, rudarstva i industrije na  
Prijedlog Uredbe o transparentnosti finansijskih odnosa jedinica lokalne samouprave, kantona i  
Federacije Bosne i Hercegovine sa javnim preduzećima**

**Sarajevo,  
april 2013. godine**



Broj: 01-26-7-05-1-I/13  
Sarajevo, 18. april 2013. godine

Na osnovu člana 25. stav (2) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljenja Federalnog ministarstva energije, rudarstva i industrije, Alekse Šantića bb, 88000 Mostar, zaprimljenom dana 29. marta 2013. godine pod brojem: 01-26-7-05-I/13, Konkurencijsko vijeće, na 58. (pedesetosmoj) sjednici održanoj dana 18. aprila 2013. godine, donijelo je

### **MIŠLJENJE**

Prijedlog Uredbe o transparentnosti finansijskih odnosa jedinica lokalne samouprave, kantona i Federacije Bosne i Hercegovine sa javnim preduzećima, usaglašen je sa Zakonom o konkurenciji.

### **O b r a z l o ž e n j e**

Federalno ministarstvo energije, rudarstva i industrije, Alekse Šantića bb, 88000 Mostar (u daljem tekstu: Podnosilac zahtjeva), podnijelo je Konkurencijskom vijeću Zahtjev za davanje mišljenja na prijedlog Uredbe o transparentnosti finansijskih odnosa jedinica lokalne samouprave, kantona i Federacije Bosne i Hercegovine sa javnim preduzećima (u daljem tekstu: prijedlog Uredbe), zaprimljen dana 29. marta 2013. godine pod brojem: 01-26-7-05-I/13.

Podnosilac zahtjeva navodi da je predmetno mišljenje Konkurencijskog vijeće potrebno, kako bi prijedlog Uredbe bio dostavljen na dalju proceduru Vladi Federacije Bosne i Hercegovine.

Prema Podnosiocu zahtjeva, zakonski osnov za donošenje Uredbe sadržan je u odredbama člana 19. stav 1. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 2a. stav 3. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12).

Kao razlog za donošenje Uredbe, Podnosilac zahtjeva navodi obaveze Bosne i Hercegovine koje su nastale potpisivanjem Sporazuma o stabilizaciji i pridruživanju između Evropske zajednice i njenih država članica, sa jedne strane i Bosne i Hercegovine, s druge strane, kao i Privremenog sporazuma o stabilizaciji i pridruživanju, koji je stupio na snagu 01.07.2008. godine. Posebno se ističe obaveza utvrđena u članu 72., odnosno u članu 37. Privremenog sporazuma, da će Bosna i Hercegovina do kraja treće godine od stupanja na snagu ovog sporazuma, na javna preduzeća i preduzeća kojima su dodijeljena posebna i isključiva prava primjeniti principe utvrđene u Ugovoru o Evropskoj zajednici, sa posebnim naglaskom na član 86.

Nakon uvida u dostavljeni prijedlog Uredbe, Konkurencijsko vijeće je ocijenilo da isti ne sadrži odredbe koje mogu sprečavati, ograničavati ili narušavati tržišnu konkurenciju na relevantnom tržištu Federacije Bosne i Hercegovine, u smislu člana 4. stav (1) Zakona o konkurenciji, odnosno da je isti usaglašen sa Zakonom o konkurenciji.

Konkurencijsko vijeće nije razmatralo odredbe prijedloga Uredbe koje su u nadležnosti drugih institucija i tijela.

**Predsjednica**  
**Gordana Živković**

**Dostavljeno:**

- Podnosiocu zahtjeva
- u spis
- arhiv Konkurencijskog vijeća